

## REGLUGERÐ FRAMKVÆMDASTJÓRNARINNAR (EB) nr. 1162/2009

2011/EES/55/20

frá 30. nóvember 2009

um bráðabirgðaráðstafanir til framkvæmdar á reglugerðum Evrópuþingsins og ráðsins (EB) nr. 853/2004, (EB) nr. 854/2004 og (EB) nr. 882/2004 (\*)

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 853/2004 frá 29. apríl 2004 um sérstakar reglur um hollustuhætti sem varða matvæli úr dýraríkinu <sup>(1)</sup>, einkum 1. mgr. 9. gr.,

með hliðsjón af reglugerð Evrópuþingsins og ráðsins (EB) nr. 854/2004 frá 29. apríl 2004 um sértækar reglur um skipulag opinbers eftirlits með afurðum úr dýraríkinu sem eru ætlaðar til manneldis <sup>(2)</sup>, einkum 1. mgr. 16. gr.,

með hliðsjón af reglugerð Evrópuþingsins og ráðsins (EB) nr. 882/2004 frá 29. apríl 2004 um opinbert eftirlit til að staðfesta að lög um fóður og matvæli og reglur um heilbrigði og velferð dýra séu virt <sup>(3)</sup>, einkum fyrstu undirgrein og b-lið annarrar undirgreinar 1. mgr. 63 gr.,

og að teknu tilliti til eftirfarandi:

1) Í reglugerðum Evrópuþingsins og ráðsins (EB) nr. 852/2004 <sup>(4)</sup>, (EB) nr. 853/2004, (EB) nr. 854/2004 og (EB) nr. 882/2004 er kveðið á um umtalsverðar breytingar á reglum og verklagi sem stjórnendur matvælafyrirtækja og lögbær yfirvöld aðildarríkjanna þurfa að fylgja. Þessar reglugerðir gilda frá 1. janúar 2006. Það hefði þó í vissum tilvikum valdið erfiðleikum í framkvæmd ef sumum þessara ráðstafana hefði verið beitt þegar frá 1. janúar 2006.

2) Þar af leiðandi er í reglugerð framkvæmdastjórnarinnar (EB) nr. 2076/2005 frá 5. desember 2005 um bráðabirgðafyrirkomulag við framkvæmd reglugerða Evrópuþingsins og ráðsins (EB) nr. 853/2004, (EB) nr. 854/2004 og (EB) nr. 882/2004 <sup>(5)</sup> kveðið á um tiltekið bráðabirgðafyrirkomulag vegna aðlögunartímabils sem

(\*) Þessi EB-gerð birtist í Stjtið. ESB L 314, 1.12.2009, bls. 10. Hentar var getið í ákvörðun sameiginlegu EES-nefndarinnar nr. 59/2011 frá 1. júlí 2011 um breytingu á I viðauka (Heilbrigði dýra og plantna) við EES-samninginn, sjá EES-viðbæti við Stjórnartíðindi Evrópusambandsins nr. 54, 6.10.2011, bls. 1.

<sup>(1)</sup> Stjtið. ESB L 226, 25.6.2004, bls. 22

<sup>(2)</sup> Stjtið. ESB L 226, 25.6.2004, bls. 83.

<sup>(3)</sup> Stjtið. ESB L 191, 28.5.2004, bls. 1.

<sup>(4)</sup> Stjtið. ESB L 226, 25.6.2004, bls. 3.

<sup>(5)</sup> Stjtið. ESB L 338, 22.12.2005, bls. 83.

lýkur 31. desember 2009, til að koma á hnökralausum skiptum yfir í fulla framkvæmd nýju reglnanna og verklagsins. Lengd aðlögunartímabilsins var fastsett með hliðsjón af endurskoðun reglurammans um hollustuhætti.

3) Í reglugerðum (EB) nr. 852/2004, (EB) nr. 853/2004 og (EB) nr. 854/2004 er kveðið á um að framkvæmdastjórnin skuli, eigi síðar en 20. maí 2009, leggja skýrslu fyrir Evrópuþingið og ráðið þar sem reynslan af beitingu hins nýja regluramma um hollustuhætti er metin.

4) Skýrslan var afhent í júlí 2009. Í skýrslunni eru þó ekki lagðar fram ítarlegar úrlausnir á erfiðleikum sem greint var frá og því fylgja henni ekki tillögur. Framkvæmdastjórnin mun, á grundvelli þessara erfiðleika sem komu í ljós, taka til athugunar hvort þörf sé á tillögum til að bæta reglugerðirnar um hollustuhætti á sviði matvæla.

5) Þangað til skulu lögbær yfirvöld aðildarríkjanna og þeir geirar í evrópska matvælaíðnaðinum sem málið varðar, á grundvelli upplýsinga frá Matvæla- og dýraheilbrigðisstofunni, halda tilteknu bráðabirgðafyrirkomulagi sem kveðið er á um í reglugerð (EB) nr. 2076/2005 þar til endurskoðunarferlinu er lokið.

6) Rétt er því að setja ákvæði um aðlögunartímabil til viðbótar þar sem tiltekið bráðabirgðafyrirkomulag, sem kveðið er á um í reglugerð (EB) nr. 2076/2005, skal gilda áfram. Í þágu samræmdrar nálgunar skal það aðlögunartímabil að jafnaði vera fjögur ár en það getur, í rökstuddum tilvikum, verið styttra.

7) Bein afhending framleiðanda á litlu magni kjöts af alifuglum og nörturum, sem er slátrað á býlinu, til neytenda eða smásöluþyrirtækja á staðnum sem afhenda slíkt kjöt beint til neytenda sem nýtt kjöt er undanþegin gildissviði reglugerðar (EB) nr. 853/2004. Takmörkun þessara ákvæða við nýtt kjöt áður en endurskoðuninni er lokið mun þó íþyngja smáframleiðendum. Þar af leiðandi er í reglugerð (EB) nr. 2076/2005 kveðið á um undanþágu frá þeim almennu kröfum sem settar eru fram í reglugerð (EB) nr. 853/2004 varðandi beina afhendingu á slíkum vörum með vissum skilyrðum, án þess að takmarka hana við nýtt kjöt. Þessi möguleiki skal vera opin meðan viðbótaraðlögunartímabilið, sem kveðið er á um í þessari reglugerð, varir.

8) Í reglugerðum (EB) nr. 853/2004 og (EB) nr. 854/2004 er mælt fyrir um tiltekna reglur varðandi innflutning inn í Bandalagið á afurðum úr dýraríkinu og matvælum sem innihalda bæði afurðir úr jurtaríkinu og unnar afurðir úr dýraríkinu. Í reglugerð (EB) nr. 2076/2005 er kveðið á um bráðabirgðafyrirkomulag sem vikur frá sumum þessara reglna vegna tiltekna innflutnings þar sem lýðheilsuskilyrði fyrir innflutningi þeirra inn í Bandalagið hafa ekki verið samræmd á vettvangi Bandalagsins. Þessi skilyrði verða ekki að fullu samræmd fyrir 31. desember 2009. Þar til samræming á löggjöf Bandalagsins hefur átt sér stað er þar af leiðandi nauðsynlegt að kveða á um undanþágur á meðan á viðbótaraðlögunartímabilinu, sem mælt er fyrir um í þessari reglugerð, stendur.

9) Í reglugerð (EB) nr. 853/2004 er mælt fyrir um tiltekna kröfur varðandi hráefni sem notað er í hakkað kjöt og varðandi merkingar. Í reglugerð (EB) nr. 2076/2005 er þó kveðið á um bráðabirgðafyrirkomulag sem vikur frá tilteknum kröfum á aðlögunartímabili þar sem leggja skal mat á viðmiðanirnar um samsetningu hakkaðs kjöts, einkum að því er varðar fituinnihald og hlutföll bandvefjar og kjötprótíns. Á grundvelli matsins var þessum viðmiðunum bætt við tillögu framkvæmdastjórnarinnar um reglugerð Evrópuþingsins og ráðsins um miðlun upplýsinga varðandi matvæli til neytenda <sup>(6)</sup>. Framkvæmdastjórnin samþykkti tillöguna 30. janúar 2008 og sendi hana Evrópuþinginu og ráðinu. Þar til niðurstaða fæst vegna tillögunnar þykir rétt að viðhalda slíkum undanþágum frá tilteknum kröfum varðandi hakkað kjöt á meðan á viðbótaraðlögunartímabilinu, sem kveðið er á um í þessari reglugerð, stendur.

10) Í reglugerð (EB) nr. 882/2004 er þess krafist að rannsóknarstofur, sem annast greiningu sýna sem tekin eru við opinbert eftirlit, séu faggiltar. Í reglugerð (EB) nr. 2076/2005 er kveðið á um að bráðabirgðafyrirkomulag sem vikur frá þeirri kröfu að því er varðar tiltekna rannsóknarstofur sem þurftu, samkvæmt eldri löggjöf Bandalagsins, ekki að vera faggiltar. Reynslan hefur sýnt að rannsóknarstofur sem framkvæma opinberar prófanir vegna trikinu og staðsettar eru í sláturhúsum eða starfsstöðvum sem meðhöndla veiðidýr þurfa viðbótartíma til að ná að fullu faggilding, þar eð faggilding er flókið og erfitt ferli. Þar af leiðandi skal í þessari reglugerð mæla fyrir um bráðabirgðaráðstafanir fyrir þær rannsóknarstofur, að tilteknum skilyrðum uppfylltum.

11) Ráðstafanir, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

## I. KAFLI

### ALMENN ÁKVÆÐI

#### 1. gr.

#### Aðlögunartímabil

Í þessari reglugerð er mælt fyrir um bráðabirgðaráðstafanir til framkvæmdar á reglugerðum Evrópuþingsins og ráðsins (EB) nr. 853/2004, (EB) nr. 854/2004 og (EB) nr. 882/2004 á aðlögunartímabili frá 1. janúar 2010 til 31. desember 2013 (aðlögunartímabilið).

## II. KAFLI

### BRÁÐABIRGÐARÁÐSTAFANIR TIL FRAMKVÆMDAR Á REGLUGERÐ (EB) NR. 853/2004

#### 2. gr.

#### Bein afhending á litlu magni kjöts af alifuglum og nörturum

Þrátt fyrir d-lið 3. mgr. 1. gr. og með fyrirvara um 4. mgr. 1. gr. reglugerðar (EB) nr. 852/2004 skulu ákvæðin, sem mælt er fyrir um í þeirri reglugerð, ekki gilda um beina afhendingu framleiðanda á litlu magni kjöts af alifuglum og nörturum, sem er slátrað á býlinu, til neytenda eða smásölufyrirtækja á staðnum sem afhenda slíkt kjöt beint til neytenda.

#### 3. gr.

#### Heilbrigðisskilyrði vegna innflutnings

1. Ákvæði 1. mgr. 6. gr. í reglugerð (EB) nr. 853/2004 gilda ekki við innflutning á matvælum úr dýraríkinu hafi samræmd heilbrigðisskilyrði ekki verið ákveðin vegna innflutnings á þeim, þ.m.t. skrá yfir þriðju lönd og yfir starfsstöðvar sem innflutningur er leyfður frá.

Innflutningur á þeim afurðum skal uppfylla heilbrigðisskilyrði hlutaðeigandi aðildarríkis.

2. Þrátt fyrir 4. mgr. 6. gr. í reglugerð (EB) nr. 853/2004 skulu stjórnendur matvælafyrirtækja, sem flytja inn matvæli sem innihalda bæði afurðir úr jurtaríkinu og unnar afurðir úr dýraríkinu, vera undanþegnir þeirri skyldu sem kveðið er á um í þeirri grein.

Innflutningur á slíkum afurðum skal vera í samræmi við samræmdar reglur Bandalagsins, eftir því sem við á, og landsbundnar reglur sem beitt var í aðildarríkjum í öðrum tilvikum.

<sup>(6)</sup> COM(2008) 40, lokagerð.

## 4. gr.

**Viðmiðanir fyrir samsetningu hakkaðs kjöts og kröfur um merkingu á því**

1. Þrátt fyrir kröfurnar, sem mælt er fyrir um í 1. lið II. kafla V. þáttar í III. viðauka við reglugerð (EB) nr. 853/2004, verður stjórnandi matvælafyrirtækisins að hafa eftirlit með þeim hráefnum sem eru notuð í starfsstöðinni til að tryggja samræmi við heiti vörunnar í töflunni hér á eftir að því er varðar fullunna afurðina.

## Tafla

**Viðmiðanir fyrir samsetningu sem eftirlit er haft með á grundvelli dagsmeðaltals**

	Fituinnihald	Hlutfall bandvefjar og kjötprótins
magurt, hakkað kjöt	≤ 7%	≤ 12
hreit, hakkað nautakjöt	≤ 20%	≤ 15
hakkað kjöt sem inniheldur svinakjöt	≤ 30%	≤ 18
hakkað kjöt af öðrum dýrategundum	≤ 25%	≤ 15

2. Þrátt fyrir kröfurnar, sem mælt er fyrir um í IV. kafla V. þáttar í III. viðauka við reglugerð (EB) nr. 853/2004, verða eftirfarandi orð einnig að koma fram í merkingunni:

- „hundraðshluti fitu minni en ...“,
- „hlutfall bandvefjar og kjötprótins er minna en ...“.

3. Aðildarríkin geta heimilað að sett verði á innanlandsmarkaði þeirra hakkað kjöt sem uppfyllir ekki þessar viðmiðanir og það beri landsmerki sem ekki verður ruglað saman við merkin sem kveðið er á um í 1. mgr. 5. gr. reglugerðar (EB) nr. 853/2004.

## III. KAFLI

**BRÁÐABIRGÐARÁÐSTAFANIR TIL FRAMKVÆMDAR Á REGLUGERÐ (EB) NR. 854/2004**

## 5. gr.

**Heilbrigðisskilyrði vegna innflutnings**

Ákvæði III. kafla reglugerðar (EB) nr. 854/2004 gilda ekki við innflutning á matvælum úr dýrarríkinu hafi samræmd

Reglugerð þessi er bindandi í heild sinni og gildir í öllum aðildarríkjum án frekari lögfestingar.

Gjört í Brussel 30. nóvember 2009.

heilbrigðisskilyrði ekki verið ákveðin vegna innflutnings á þeim, þ.m.t. skrár yfir þriðju lönd og hluta þriðju landa og starfsstöðvar sem innflutningur er leyfður frá.

Innflutningur á slíkum afurðum skal uppfylla heilbrigðisskilyrði hlutaðeigandi aðildarríkis vegna innflutnings.

## IV. KAFLI

**BRÁÐABIRGÐARÁÐSTAFANIR TIL FRAMKVÆMDAR Á REGLUGERÐ (EB) NR. 882/2004**

## 6. gr.

**Faggilding opinberra rannsóknarstofa sem framkvæma prófanir vegna trikinu**

Þrátt fyrir 2. mgr. 12. gr. reglugerðar (EB) nr. 882/2004 getur lögbært yfirvald tilnefnt rannsóknarstofu, sem framkvæmir opinberar prófanir vegna trikinu og staðsett er í sláturhúsi eða starfsstöð sem meðhöndlar veiðidýr, að því tilskildu að rannsóknarstofan, sem hefur þó ekki faggildingu:

- a) sýni fram á að hún hafi hafist handa við nauðsynlegt faggildingarferli í samræmi við reglugerð (EB) nr. 882/2004,
- b) veiti lögbæra yfirvaldinu fullnægjandi ábyrgðir fyrir því að áætlanir um gæðastjórnun vegna greininganna, sem hún framkvæmir vegna opinbers eftirlits, liggi fyrir.

Aðildarríki, sem beita þessum bráðabirgðaráðstöfunum, skulu leggja fram skýrslu fyrir framkvæmdastjórnina um framvindu við faggildingu allra tilnefndra rannsóknarstofa í lok hvers árs.

## V. KAFLI

**LOKAÁKVÆÐI**

## 7. gr.

Reglugerð (EB) nr. 2076/2005 er hér með felld úr gildi.

## 8. gr.

**Gildistaka**

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún gildir frá 1. janúar 2010 til 31. desember 2013.

*Fyrir hönd framkvæmdastjórnarinnar,*

Androulla VASSILIOU

*framkvæmdastjóri.*